

Naziv suda: Apelacioni sud Brčko distrikta Bosne i Hercegovine

Analiza pokazatelja iz statističkog izvještaja o poštivanju optimalnih i predvidivih rokova:

Podaci iz godišnjeg Izvještaja o poštivanju optimalnih i predvidivih rokova za 2024. godinu pokazuju da je u radu bilo ukupno 807 predmeta, od čega je završeno 580 predmeta ili 72 %. Od ukupnog broja riješenih predmeta, u optimalnom odnosno predvidivom roku je završeno 514 odnosno 556 predmeta ili 96 %. U ovom izvještajnom periodu 24 predmeta je završeno sa prekoračenjem predvidivog roka ili 4 % od ukupnog broja završenih predmeta. Prosječno trajanje riješenih predmeta iznosi 104 dana (npr. na drugostepenom parničnom referatu optimalni rok iznosi 207 dana, a predmeti su rješavani u roku od 126 dana, na drugostepenom krivičnom referatu optimalni rok iznosi 158 dana, a predmeti su rješavani u roku od 57 dana, na referatu vanrednih pravnih lijekova optimalni rok iznosi 151 dan, a predmeti su rješavani u roku od 133 dana...).

Na kraju izvještajnog perioda ostalo je nezavršeno 227 predmeta, od čega u 212 predmeta nije prekoračen predvidivi rok ili 93 %, dok su u 45 predmeta prekoračeni optimalni/predvidivi rokovi.

Prosječno trajanje neriješenih predmeta je 90 dana.

Analiza navedenih podataka, struktura riješenih i neriješenih predmeta sa aspekta poštovanja optimalnih i predvidivih rokova, pokazuje da u sudu ne postoje problemi koji utiču na efikasnost suda, osim nepopunjenosti jedne sudijske pozicije na parničnom referatu, koja je direktno uticala na duže trajanje riješenih i neriješenih predmeta, kao i na realizaciju Plana rješavanja starih predmeta.

Analiza raspoloživih resursa u sudu:

Apelacioni sud Brčko distrikta Bosne i Hercegovine je u ovom izvještajnom periodu raspolagao sa optimalnim materijalno-tehničkim resursima. Prema usvojenoj sistematizaciji sva radna mjesta su popunjena, osim jedne pozicije sudije na parničnom referatu, tokom čitavog izvještajnog perioda, zbog poništenja raspisanog konkursa i raspisivanja novog konkursa, pa se okončanje postupka izbora novog sudije očekuje početkom 2025. godine.

Analiza „perioda neaktivnosti“ u predmetima:

U sudu je trenutno neaktivno 13 predmeta, koji su vraćeni prvostepenom sudu radi otklanjanja procesnih smetnji u cilju stvaranja procesnih pretpostavki za donošenje drugostepene odluke.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

Predsjednik suda će nastaviti sa potenciranjem dužnosti sudija na rješavanju najstarijih predmeta u sudu u skladu sa Planom rješavanja starih predmeta za 2025. godinu, čiji će se efekti analizirati svakog mjeseca na sjednicama stručnog kolegija. Ove mjere su dale rezultate i u 2024. godini, tako da je zadržan visok procenat od 96 % riješenih predmeta u optimalnim/predvidivim rokovima, dok je povećano vrijeme trajanja riješenih predmeta sa 81 na 104 dana i neriješenih sa 60 na 90 dana.

Navedene činjenice, a posebno da je trajanje neriješenih predmeta kraće od vremena trajanja riješenih predmeta potvrđuje praksu suda o primarnom rješavanju najstarijih predmeta u sudu uz istovremeno poštovanje Plana rješavanja starih predmeta za 2024. godinu. Sve navedene aktivnosti će se nastaviti i u 2025. godini, kako bi se dodatno skratilo vrijeme trajanja riješenih i neriješenih predmeta, a predvidivi rokovi približili optimalnim rokovima.

Ostalo: